



## "BERNIAGALAH MENGIKUT SYARIAT ISLAM"

الْحَمْدُ لِلَّهِ الْقَائِلِ: يَتَأَيُّهَا الَّذِينَ ءَامَنُوا لَا  
تَأْكُلُوا أَمْوَالَكُمْ بَيْنَكُمْ بِالْبَاطِلِ إِلَّا أَنْ  
تَكُونَ تِجَارَةً عَنْ تَرَاضٍ مِّنْكُمْ وَلَا تَقْتُلُوا  
أَنْفُسَكُمْ إِنَّ اللَّهَ كَانَ بِكُمْ رَحِيمًا.

أَشْهَدُ أَنْ لَا إِلَهَ إِلَّا اللَّهُ وَحْدَهُ لَا شَرِيكَ لَهُ  
وَأَشْهَدُ أَنَّ مُحَمَّدًا عَبْدُهُ وَرَسُولُهُ. اللَّهُمَّ صَلِّ  
وَسَلِّمْ عَلَى سَيِّدِنَا مُحَمَّدٍ وَعَلَى آلِهِ وَأَصْحَابِهِ  
أَجْمَعِينَ.

أَمَّا بَعْدُ، فَيَا أَيُّهَا الْمُسْلِمُونَ! اتَّقُوا اللَّهَ، أَوْصِيكُمْ  
وَأَيَّايَ بِتَقْوَى اللَّهِ فَقَدْ فَازَ الْمُتَّقُونَ. قَالَ اللَّهُ



تَعَالَى: يَأَيُّهَا الَّذِينَ ءَامَنُوا اتَّقُوا اللَّهَ حَقَّ تُقَاتِهِ وَلَا تَمُوتُنَّ إِلَّا وَأَنتُمْ مُسْلِمُونَ.

**Sidang Jumaat Yang Dirahmati Allah,**

Saya menyeru agar kita bersama-sama meningkatkan ketakwaan kita kepada Allah SWT dengan melaksanakan segala perintah-Nya dan meninggalkan segala larangan-Nya.

**Sidang Jumaat Yang Dirahmati Allah,**

Allah SWT melarang manusia daripada mengambil harta orang lain dengan cara yang tidak dihalalkan oleh syariat Islam seperti mencuri, menipu, khianat, merampas, ragut, riba, rasuah dan lain-lain lagi. Sebaliknya harta yang diperolehi hendaklah daripada sumber yang halal seperti perniagaan yang dilakukan mengikut syariat Islam. Cara ini tidak akan ada pihak yang merasa dizalimi bahkan dapat pula membantu orang lain untuk memenuhi keperluan mereka.

Perniagaan dalam Islam dianggap sebagai suatu pekerjaan yang mulia kerana di dalamnya wujud amalan membantu memenuhi keperluan hidup umat manusia.

**Sidang Jumaat Yang Dirahmati Allah,**

Rasulullah s.a.w sendiri sebelum diangkat menjadi rasul, Baginda telah terlibat dalam dunia perniagaan semenjak usia remaja lagi. Baginda juga digelar sebagai seorang peniaga yang berjaya kerana apabila setiap kali memperdagangkan barangan milik saidatina Khadijah, baginda akan



membawa pulang keuntungan yang berlipat kali ganda. Begitu juga dengan para sahabat Rasulullah s.a.w seperti saidina Abu Bakar as-siddiq, Zubair Al-Awwam, Talhah bin Ubaidillah dan lain-lain lagi, kebanyakannya melibatkan diri dalam dunia perniagaan selain melaksanakan tugas dakwah dan jihad fi sabilillah.

### **Sidang Jumaat Yang Dirahmati Allah,**

Perniagaan merupakan sebagai suatu cabang muamalah dalam Islam. Islam juga telah meletakkan beberapa peraturan bagaimana seharusnya seseorang peniaga itu menjalankan aktiviti perniagaannya, antaranya ialah;

**Pertama : Hendaklah Perniagaannya Itu Tidak Melalaikannya Daripada Mengingati Allah SWT.**

Para peniaga khususnya perlu menyedari bahawa sesibuk mana sekalipun kita dengan aktiviti perniagaan, hakikatnya seruan Allah itu merupakan perkara utama yang mesti didahulukan. Ini kerana setiap rezeki yang kita dapati daripada perniagaan adalah kurniaan daripada Allah SWT.

Dalam hal ini, ahli-ahli perniagaan di kalangan para sahabat Rasulullah s.a.w boleh dijadikan contoh teladan yang baik di kalangan para peniaga yang ada pada hari ini. Sekalipun mereka sibuk dengan perniagaan tetapi apabila Rasulullah s.a.w menyeru untuk berjihad, maka merekalah orang yang akan tampil kehadapan memberikan segala bantuan yang diperlukan termasuk



harta dan jiwa raga mereka. Mereka tidak tamak dengan harta perniagaan yang mereka miliki.

Mereka juga tidak gusar tatkala menghentikan aktiviti perniagaan semata-mata kerana menyahut seruan Allah dan juga rasul-Nya. Oleh itu janganlah kita mengabaikan kewajipan terhadap Allah SWT untuk menunaikan solat fardhu dan solat Jumaat, terutama sekali untuk menghentikan aktiviti perniagaan ketika laungan azan solat fardhu dan Jumaat berkumandang.

Firman Allah dalam Surah an-Nur ayat 37:

رِجَالٌ لَا تُلْهِيهِمْ تِجَارَةٌ وَلَا بَيْعٌ عَنْ ذِكْرِ  
اللَّهِ وَإِقَامِ الصَّلَاةِ وَإِيتَاءِ الزَّكَاةِ يَخَافُونَ  
يَوْمًا تَتَقَلَّبُ فِيهِ الْقُلُوبُ وَالْأَبْصَارُ ﴿٣٧﴾

*"(Ibadat itu dikerjakan oleh) orang yang kuat imannya yang tidak dilalaikan oleh perniagaan atau berjual-beli daripada menyebut serta mengingat Allah dan mendirikan solat serta membayar zakat, mereka takutkan hari (kiamat) yang padanya hati dan pandangan menjadi gusar".*

**Kedua : Hendaklah Bersifat Jujur Di Dalam Menjalankan Perniagaan.**



Islam melarang dengan tegas sebarang bentuk aktiviti penipuan dalam perniagaan. Antara bentuk penipuan adalah seperti mengurangkan timbangan, bercakap bohong mengenai nilai barangan, mengkhianati perjanjian dan lain-lain lagi. Kesemua ini adalah antara perkara keji yang melanggar etika perniagaan dalam Islam.

Firman Allah SWT dalam surah As-Syu'ara' ayat ke 181-183 ;

﴿ أَوْفُوا بِالْكَيْلِ وَلَا تَكُونُوا مِنَ  
الْمُخْسِرِينَ ﴾ ۱۸۱ وَزِنُوا بِالْقِسْطَاسِ  
الْمُسْتَقِيمِ ۱۸۲ وَلَا تَبْخَسُوا النَّاسَ  
أَشْيَاءَهُمْ وَلَا تَعْثَوْا فِي الْأَرْضِ  
مُفْسِدِينَ ۱۸۳

*"Hendaklah kamu menyempurnakan sukatan dan janganlah kamu menjadi golongan yang merugikan orang lain. Dan timbanglah dengan neraca yang tepat timbangannya. Dan janganlah kamu mengurangi hak-hak orang ramai, dan janganlah kamu bermaharajalela melakukan kerosakan di bumi".*



Sesungguhnya Allah SWT telah memberikan amaran yang keras kepada peniaga yang menipu dalam timbangan melalui firman-Nya dalam surah Al-Mutaffifin ayat ke 1-6 ;

وَيْلٌ لِّلْمُطَفِّفِينَ ﴿١﴾ الَّذِينَ إِذَا أَكْتَالُوا عَلَى النَّاسِ  
يَسْتَوْفُونَ ﴿٢﴾ وَإِذَا كَالُوهُمْ أَوْ وَزَنُوهُمْ يُخْسِرُونَ ﴿٣﴾  
أَلَا يَظُنُّ أُولَٰئِكَ أَنَّهُمْ مَبْعُوثُونَ ﴿٤﴾ لِيَوْمٍ عَظِيمٍ ﴿٥﴾  
يَوْمَ يَقُومُ النَّاسُ لِرَبِّ الْعَالَمِينَ ﴿٦﴾

*"Kecelakaan besar bagi orang yang curang (menipu dalam timbangan dan sukatan) iaitu apabila mereka menerima sukatan daripada orang lain mereka meminta dipenuhi; Dan (sebaliknya) apabila mereka menyukat atau menimbang untuk orang lain, mereka mengurangnya. Adakah mereka menyangka bahawa mereka tidak akan dibangkitkan (hidup semula sesudah mati) Pada hari (kiamat) yang amat besar (huru-haranya). Hari di mana manusia berdiri untuk menghadap Tuhan sekalian alam".*

**Ketiga : Hendaklah Bersifat Amanah Dan Bertanggungjawab Di Dalam Perniagaannya.**

Firman Allah SWT dalam surah Al-Anfal ayat ke 27 ;



يَا أَيُّهَا الَّذِينَ ءَامَنُوا لَا تَخُونُوا اللَّهَ  
وَالرَّسُولَ وَتَخُونُوا أَمْنَتِكُمْ وَأَنْتُمْ  
تَعْلَمُونَ ﴿٢٧﴾

*"Wahai orang yang beriman! Janganlah kamu mengkhianati (amanah) Allah dan Rasul-Nya, serta (janganlah) kamu mengkhianati amanah-amanah (yang diserahkan kepada) kamu, sedangkan kamu mengetahui (dosanya)".*

Antara kewajiban dan tanggungjawab seorang peniaga ialah menyediakan barangan keperluan masyarakat dengan kadar nilai harga yang berpatutan.

Islam melarang keras perbuatan segelintir peniaga yang sengaja menyembunyikan barangan keperluan dengan tujuan meningkatkan permintaan pengguna, seterusnya menaikkan harga jualan sehingga berlipat kali ganda. Sebagai seorang yang beriman kita yakin bahawa perbuatan seperti ini hanya akan mengundang kemurkaan Allah SWT.

Hadis daripada Umar al-khattab R.A bahawa Rasulullah s.a.w bersabda;

مَنْ احْتَكَرَ عَلَى الْمُسْلِمِينَ طَعَامَهُمْ ضَرَبَهُ اللَّهُ  
بِالْجُزَامِ وَالْإِفْلَاسِ.



*“Barangsiapa yang menyembunyikan makanan keatas kaum muslimin maka Allah akan menimpakan kepadanya penyakit kusta atau muflis”.*

*(Riwayat Ahmad dan Ibnu Majah)*

Selain daripada saranan dan peraturan yang telah disebutkan, seorang peniaga juga hendaklah memiliki sifat-sifat terpuji seperti bermurah hati, bertolak ansur dan bertimbang rasa. Sifat seperti ini amat dituntut oleh Rasulullah s.a.w di dalam diri seorang peniaga sebagaimana sabdanya yang bermaksud;

*“Allah mengasihi orang yang bermurah hati ketika ia menjual, ketika ia membeli dan ketika ia menuntut haknya”.*

*(Riwayat Bukhari)*

### **Sidang Jumaat Yang Dirahmati Allah,**

Islam sebagai agama yang sempurna telah menetapkan undang-undang dan peraturannya bertujuan menjamin kebahagiaan hidup manusia di dunia dan di akhirat. Maka seharusnya melalui aktiviti perniagaan yang dijalankan, umat Islam dapat hidup bersatu padu dan saling bantu membantu di antara satu sama lain. Perniagaan juga seharusnya dapat mengajar manusia agar hidup berlandaskan lunas undang-undang yang telah ditetapkan oleh Allah SWT.

أَعُوذُ بِاللَّهِ مِنَ الشَّيْطَانِ الرَّجِيمِ





يَا أَيُّهَا الَّذِينَ ءَامَنُوا إِذَا نُودِيَ لِلصَّلَاةِ مِنْ يَوْمِ  
الْجُمُعَةِ فَاسْعَوْا إِلَىٰ ذِكْرِ اللَّهِ وَذَرُوا الْبَيْعَ ۚ ذَٰلِكُمْ خَيْرٌ  
لَّكُمْ إِنْ كُنْتُمْ تَعْلَمُونَ ﴿٩﴾

*"Wahai orang yang beriman! Apabila dilaungkan seruan azan untuk mengerjakan solat pada hari Jumaat, maka bersegeralah kamu pergi (ke masjid) untuk mengingati Allah (dengan mengerjakan solat Jumaat) dan tinggalkanlah berjual-beli (pada saat itu). Yang demikian adalah baik bagi kamu, jika kamu mengetahui (hakikat yang sebenar)".*

*(Al-Jumuah : 9)*

بَارَكَ اللَّهُ لِي وَلَكُمْ بِالْقُرْآنِ الْعَظِيمِ،  
وَنَفَعَنِي وَإِيَّاكُمْ بِمَا فِيهِ مِنَ الْآيَاتِ وَالذِّكْرِ  
الْحَكِيمِ وَتَقَبَّلْ مِنِّي وَمِنْكُمْ تِلَاوَتُهُ، إِنَّهُ هُوَ  
السَّمِيعُ الْعَلِيمُ.



أَقُولُ قَوْلِي هَذَا وَأَسْتَغْفِرُ اللَّهَ الْعَظِيمَ لِي  
وَلَكُمْ وَلِسَائِرِ الْمُسْلِمِينَ وَالْمُسْلِمَاتِ،  
فَاسْتَغْفِرُوهُ إِنَّهُ هُوَ الْغَفُورُ الرَّحِيمُ.



## KHUTBAH KEDUA

الْحَمْدُ لِلَّهِ الَّذِي جَعَلَنَا مِنَ الْمُسْلِمِينَ، وَرَزَقَنَا  
مِنَ الطَّيِّبَاتِ. أَشْهَدُ أَنْ لَا إِلَهَ إِلَّا اللَّهُ وَحْدَهُ، لَا  
شَرِيكَ لَهُ، وَأَشْهَدُ أَنَّ مُحَمَّدًا عَبْدُهُ، وَرَسُولُهُ.

اللَّهُمَّ صَلِّ وَسَلِّمْ وَبَارِكْ عَلَى سَيِّدِنَا مُحَمَّدٍ  
وَعَلَى آلِهِ وَصَحْبِهِ وَمَنْ تَبِعَهُمْ بِإِحْسَانٍ إِلَى يَوْمِ  
الدِّينِ.

أَمَّا بَعْدُ، فَيَا عِبَادَ اللَّهِ، اتَّقُوا اللَّهَ فَقَدْ فَازَ  
الْمُتَّقُونَ. قَالَ اللَّهُ تَعَالَى: إِنَّ اللَّهَ وَمَلَائِكَتَهُ  
يُصَلُّونَ عَلَى النَّبِيِّ يَا أَيُّهَا الَّذِينَ آمَنُوا صَلُّوا  
عَلَيْهِ وَسَلِّمُوا تَسْلِيمًا.



اَللّٰهُمَّ صَلِّ وَسَلِّمْ عَلٰى سَيِّدِ الْمُرْسَلِيْنَ وَارْضَ  
اَللّٰهُمَّ عَنْ اَصْحَابِهِ وَقَرَابَتِهِ وَاَزْوَاجِهِ وَذُرِّيَّاتِهِ  
اَجْمَعِيْنَ.

اَللّٰهُمَّ اغْفِرْ لِلْمُسْلِمِيْنَ وَالْمُسْلِمَاتِ وَالْمُؤْمِنِيْنَ  
وَالْمُؤْمِنَاتِ الْاَحْيَاءِ مِنْهُمْ وَالْاَمْوَاتِ، اِنَّكَ سَمِيعٌ  
قَرِيبٌ مُّجِيبُ الدَّعَوَاتِ وَيَا قَاضِيَ الْحَاجَاتِ. اَللّٰهُمَّ  
اِنَّا نَسْأَلُكَ وَنَتَوَسَّلُ اِلَيْكَ بِنَبِيِّكَ الْاَمِيْنِ، وَنَسْأَلُكَ  
بِاسْمَائِكَ الْحُسْنٰى وَصِفَاتِكَ الْعُظْمٰى اَنْ تَحْفَظَ بَعِيْنَ  
عِنَايَتِكَ الرَّبَّانِيَّةِ وَبِحِفْظِ وَقَايَتِكَ الصَّمَدَانِيَّةِ، جَلَالَةَ  
مَلِكِنَا الْمُعْظَمِ سُلْطَانَ سَلَاطُوْر، سُلْطَانَ شَرَفِ الدِّيْنِ  
ادريس شاه الحاج ابن المرحوم سُلْطَانَ صَلَاحِ الدِّيْنِ  
عبد العزيز شاه الحاج.

اَللّٰهُمَّ اَدِمِ الْعَوْنَ وَالْهَدَايَةَ وَالتَّوْفِيقَ، وَالصِّحَّةَ  
وَالسَّلَامَةَ مِنْكَ، لَوْلِيَّ عَهْدِ سَلَاطُوْر، تَعَكَوْ اَمِيْر شَاه



إِبْنِ السُّلْطَانِ شَرَفُ الدِّينِ اَدْرِيسِ شَاهِ الْحَاجِ فِي  
أَمْنٍ وَصَلَاحٍ وَعَافِيَةٍ بِمَنِّكَ وَكَرَمِكَ يَا ذَا الْجَلَالِ  
وَالْإِكْرَامِ. اَللّٰهُمَّ اَطِلْ عُمْرَهُمَا مُصْلِحِيْنَ لِلْمُوظَّفِيْنَ  
وَالرَّعِيَّةِ وَالْبِلَادِ، وَبَلِّغْ مَقاصِدَهُمَا لِطَرِيقِ الْهُدٰى  
وَالرَّشَادِ.

Ya Allah, Engkaulah Tuhan yang berkuasa, kami bersyukur kehadiran-Mu yang melimpahkan rahmat dan nikmat, sehingga kami dapat meneruskan usaha ke arah memperkukuhkan negara umat Islam khususnya negeri Selangor, sebagai negeri idaman, maju, sejahtera dan berkebajikan.

Justeru, kami pohon kehadiran-Mu ya Allah, tetapkanlah iman kami, tingkatkanlah amal kami, kukuhkanlah perpaduan kami, murahkanlah rezeki kami, tambahkan kami dengan ilmu dan kemahiran, suburkanlah jiwa kami dengan akhlak mulia, lindungilah kami daripada ujian-Mu yang berat seperti kemarau panjang, banjir besar, wabak penyakit, persengketaan, kemiskinan dan lain-lain, supaya hidup kami akan sentiasa bertambah makmur dan berkat.

Ya Allah, bukannya hati kami, untuk melaksanakan ibadah zakat sebagaimana yang telah Engkau fardhukan. Berkatilah hidup orang yang melaksanakan tuntutan berzakat, menyayangi fakir dan miskin. Sucikanlah harta dan jiwa mereka, lindungilah golongan fuqara' dan masakin daripada kekufuran dan kefakiran yang berpanjangan.



Demikian jua Ya Allah, tambah dan luaskanlah rezeki orang yang mewakafkan hartanya di negeri ini, limpahkanlah nikmat iman dan kesihatan yang berpanjangan kepada mereka, terimalah wakaf mereka dengan ganjaran pahala yang berkekalan hingga ke hari akhirat.

رَبَّنَا هَبْ لَنَا مِنْ أَزْوَاجِنَا وَذُرِّيَّتِنَا قُرَّةَ أَعْيُنٍ  
وَأَجْعَلْنَا لِلْمُتَّقِينَ إِمَامًا. رَبَّنَا ءَاتِنَا فِي الدُّنْيَا حَسَنَةً  
وَفِي الْآخِرَةِ حَسَنَةً وَقِنَا عَذَابَ النَّارِ.

عِبَادَ اللَّهِ، إِنَّ اللَّهَ يَأْمُرُ بِالْعَدْلِ وَالْإِحْسَانِ  
وَإِيتَايَ ذِي الْقُرْبَىٰ وَيَنْهَىٰ عَنِ الْفَحْشَاءِ  
وَالْمُنْكَرِ وَالْبَغْيِ يَعِظُكُمْ لَعَلَّكُمْ تَذَكَّرُونَ



فَاذْكُرُوا اللَّهَ الْعَظِيمَ يَذْكُرْكُمْ وَاشْكُرُواهُ عَلَىٰ  
نِعَمِهِ يَزِدْكُمْ، وَاسْأَلُوهُ مِنْ فَضْلِهِ يُعْطِيكُمْ وَلَذِكْرُ  
اللَّهِ أَكْبَرُ وَاللَّهُ يَعْلَمُ مَا تَصْنَعُونَ.



**MATZAN/Li** \*\*  
26.1.2012